

春
草
堂
集

春草堂集卷二目錄

樂府

東門行

行路難

古釵歎

班婕妤

棄婦詞

賽神曲

寒夜曲

鳥夜啼

車遙遙

雞鳴曲

黃爵行

少年行

豔歌行

巫山高

白頭吟

妾命薄

邯鄲才人嫁爲厮養卒婦

自君之出矣

將進酒

關山月

白苧辭

陌上桑

箜篌引

隴頭水

採蓮曲

虎偃行

子夜春歌

夏歌

秋歌

冬歌

白雲謠

寒月歌

升天行

星河引擬賈島

夢遊天姥吟擬李白

五言古詩

耕織詞

聞雁

雜詩

大明湖

跑突泉

哭張鏐

得塞外書

古詩會今人

打麥歌

與諸弟論詩八首

秋晚

讀史偶成

由無爲州之桐城道中作

由桐城之安慶道中作

客松江普照寺

同欽吉堂遊雪峯寺

懷陳穆堂

漢鎮購得婕妤明妃二圖各繫古詩一首

舟次平樂俞茗琴太守以朱鋌白粲豚炭果蠟
等物見惠並繫五言古詩一首依韻奉酬

與滕澥峯話舊

七言古詩

送友人從軍

題阮梅叔明經珠湖漁隱圖

苗孝孫

繆研農司馬隸書歌

哭仇柏巖茂才

餞春歌

紀夢

代相馬篇

小題襟館聽張伯治洞簫武實父鳴琴

爲友人題唐寅踏雪尋梅圖卷子

神鐙曲

曙原贈墨成篋書此覆之

戊寅秋七月遊相墩作

虞醫士五十壽徵詩同社分題得摩詰畫

陳孺人輓歌

李長吉詠月

無題

解棠歌

指書歌爲張鴻遠作

偶成

送史牧田

許季青索題鼓桂招隱圖

憶月

心朗和上出其師慶尊上人行腳圖屬題

成簡能屬題桃花流水鱖魚肥小照

示紫簣僕

王西成出行看子屬題

楊述臣茂才屬題倡酬詩冊卽用原韻

題張傳山紀夢圖

招魂曲

題廬春航江洲春泛圖

畫松歌爲張夢餘作

篆書歌爲程衡衫作

登太白樓

題劉笠生茂才紀夢圖

題吳晉竺上舍梅花書屋圖

晉竺復出楊龍友書畫冊屬題

江行紀事

解上遊仙詩

留別盛子履學博

四月十五日渡黃河作

抵寶慶晤譚鐵簫太守卽夕以英雄兒女圖屬
題

李濟飄觀察屬題釣鼇圖卷子

秋日見牡丹一枝

揚州鶴

望羅浮吟一篇示相姬

鄰船有以篷背雨聲詞見視使雛僕歌之其聲

清越遂敷其體成四首

苦雨

太白樓

李玉郎歌

金約指歌爲瑞喜兒作

李生玉郎歌

春草堂集卷之二

甘泉 謝堃 佩禾

樂府

東門行

出東門塚纍纍驅車白楊道蕭蕭寒風吹行人爲語道
旁碑昨日未死猶作威

行路難

行路難涕沾翰百尺危橋一尺寬上有縣崖蔽日之高
山下有弱水沈沙之深潭惡風左右相盤旋一生一死

須臾間旁豈無人人不援行路難涕洟此身一出山之顛旁人見之疑登天羅列跪拜呼金仙行路之難難於此何不終身老鄉里

古釵歎

古釵復古釵何代土中埋上有精靈血年深成紫苔儀式樸且素光明被塵埃世人尚雕飾憂思縈中懷

班婕妤

密雲翳闌闔微雨膩芳簾相思如轉環綿綿不可斷瞻彼芙蓉葉誰肯題紅怨拊枕懷舊歡空牀覆團扇中有

同心花花花壓金線何爲鴛與鴦無時不相見

棄婦詞

三年妾不育不育妾當逐上堂辭舅姑出門登回車回
車涉溝水水畔芙蓉死憶妾初嫁時柳挂黃金絲春風
誓蘭室永懷託琴瑟鑪灰曉未寒薜蘿已滿山薜蘿無葉
復葉妾心結復結寄語新蛾眉早叶熊與熊

賽神曲

月光溥日光吐椒漿桂醕盈罇俎嫗鳴鉦翁擊鼓山花
插頭女巫舞翦紙書朱焚告天金刀割臂血色鮮盤抓

果餌撒如雨，饑鳥得食飛。
樹顛巫指視，翁神使然吾。
當爲翁求豐年。

寒夜曲

蝦蟆拆緊銀燭殘，銅壺漏滴寒水寒。
擁書隱几未入夢，兩鼠爭食盤盂翻。
大鼠得食匿深穴，小鼠嚙我牛車鐵。
燭花一笑梨雲飛，四境砧聲響明月。

鳥夜啼

宵雲溼夢露華紫，城烏啞啞啼不已。
啼醒紅閨秋月孤，蘭膏欲死光模糊。
傍皇起視明河稀，下階尋烏烏莫啼。

藕花葉底鴛鴦桺

車遙遙

天蒼蒼地茫茫車遙遙兮游何方
高堂明鏡凝新霜白晝然燭無輝
光無輝光凋朱顏桐葉秋啼絡緯寒
車兮車兮何時還

雞鳴曲

東方欲曙天未明
膈膈膊膊雞亂鳴
披衣上馬出門去
霜橋雜遝行人聲
行人爲語官家子
食必珍羞衣必綺
千金一宿邯鄲倡
此時高樓眠未起

黃爵行

少年抱弓出門去見鵬攫爵少年怒拓弓彈鵬拾爵歸
裹以紅綃哺以糜爵不死少年喜爵飛躍少年樂爵得
春風解報恩銜來印綬縣當門

少年行

十五卽封侯金鞍壓紫騮椒房小妹新承寵簪花宣室
登螭頭鬪雞曉入市持刀畫雪冤揮鞭直出榆關外誓
斬樓蘭報國恩

豔歌行

黃金爲門玉爲堂丹桂作棟杳作梁臨風含笑羅裾香
玉盃輕浮琥珀光駿馬一聲嘶夕陽歸房重整額邊黃
巫山高

楚妃至今不曾死行雲行雨巫山裏巫山高接青冥天
雲雨和淚墮湘水湘水深妾斷魂相思迢迢一千里孤
負君王夢裏恩

白頭吟

朝對鏡容嫩好暮對鏡容枯槁朝朝暮暮鏡常明可憎
妾容容易老妾容老去妾心愁茂陵有女花潛羞纖纖

十指能筌篲妾心愁情非妬衣嫩新人棄故嫩新棄故
無時無白頭吟成和淚書郎回心妾所願糟糠畢竟安
貧賤

妾命薄

妾命薄薄似紗紗尚爲衣裳伴郎天之涯天涯不歸郎
不知妾顏不復如花枝

邯鄲才人嫁爲厮養卒婦

妾本邯鄲女家住邯鄲里七歲能筌篲八歲精鍼黹九
歲解詩書十歲通經史十三選入爲才人牡丹紅透漢

宮春三千蛾眉盡低首多謝君王寵一身夜夜笙歌不
虛度珠簾翠幌教春住博山鑪焚沈速煙竹枝鹽灑羊
車路可憐歡笑無久常一朝兵燹來咸陽秦人如虎趙
人羊妾身不復爲宮妝

自君之出矣

自君之出矣紅玉當窗困思君如落花隨風判茵溷

將進酒

玳瑁杯浮琥珀釀銀絲膾鮮山櫻紅佳人笑舞迴春風
雲霓擁月來天中鐙光照水白晝同會須良宵讌未終

拔劍起舞歌凌空昨日少年今衰翁徒使文章羅心胸
君不見陳遵愛飲稱豪雄

關山月

皎皎一片中天月照向邊城光逾潔荒煙四野草漫漫
笳聲不斷吹嗚咽紅閨空擬何時還夢裏愁多萬仞山
臥向沙場拚一醉更誰月夜唱刀環

白苧辭

縠紋如水揚清波凝霜積雪欺綺羅裁成長袖舞婆娑
明眸皓齒發豔歌銀箏檀板奏雲和鐙光照譙宋顏酡

人生苦樂不同何江南女兒愁思多夜深獨坐弄寒梭

陌上桑

陌上桑歌鳴鳴妾非秦羅敷良人官拜大司徒從征曾
寄雙明珠歌鳴鳴情欲絕狐鼠跳梁鬼跳月碁聲搗碎
玉關秋夢魂冷怯天山雪妾有嫁時裳不採城南桑聞
道使君非咎時不問桑枝問柳枝

箜篌引

煙光上接秋濛濛繁霜下歸芙蓉空雨蛟角鬪一蛟死
長河爲之波濤紅何物老嫗能死夫蛟宮一泣千珍珠

我欲向天索紙筆寫爲河伯夫人圖

隴頭水

隴頭之水飛千尺愁絕隴西萬里客浪花五月噴衣寒
回首家鄉渺雲端山空四顧人煙少春風不到無青草
潺湲直下遶北邙北邙流出舊刀鎗歎息少年游俠輩
徒使閨中空斷腸

採蓮曲

風暖江南六月天蓮花塘畔葉田田蓮心似妾生來苦
蓮葉如郎到處圓

虎偃行

猛虎雖猛不食人猛虎食人憑偃魂我聞有客善弓矢
入山射虎偃先奔腥風捲草秋狼籍觸髅孔塞土花碧
又聞有客山行孤猛虎不知偃先驅猛虎嚙骨偃褊褊
孤魂上訴天爲吁天怒震虎虎立死偃復入山導虎子

子夜春歌

相思子熟飄紅雨豆寇園中春半吐鸚鵡教慣催梳頭
鏡裏佯瞋阿母愁琵琶故使絃絃澀不奏霓裳歌偏仄
良人自是二千石陌頭楊柳青何益

夏歌

醋醋風柔團蛺蝶拍拍波陰浴鵲鵲菖蒲花開人不知
十枝五枝隨風吹冰淩如山後堂側卻異深宮閉門日
窈窕流螢飛得入翅軟蠕蠕坐牀溼

秋歌

羅裳夜怯雲容薄鐙光每共星光落團扇常存隔歲恩
吹來襲襲風猶溫盤中清露那成水豈不懷思託箕尾
金蟾嚙破陽烏臚紅折一枝芙蓉蕊

冬歌

洞房紅燭停深夜衣裳片片薰蘭麝豪竹哀絲夢不成
釵環交錯渾無聲簷龍水盡千支換屋上啼烏咽冰霰
紗窗白發情初倦珍廚又進將眠讌

白雲謠

白雲摧山山不動阿香使女腰肢重篋簪雜冰淩聲
五十鴟絃發新坼昨夜老鮫抱雲泣片片精神瀉寒碧
相府公子龐眉人槽頭日日江南春大袖飄然任來去
白雲入山不知處

寒月歌

風四起天無河龍女吹笙復擊鼉妖墓匿跡狡兔死
千年老樹空婆娑公子傷心雙淚血一曲關山腸斷絕
倚遍刀環草不青把酒臨風弔寒月

升天行

金墓膏玉兔臙萬古竟能長不死東解風颺阿母沙燭
龍口吐紅珠子一墮泥犁千丈深竹竿鮎魚何紛紛君
不見雲中君

星河引擬賈島

月壓萬籟死冷滴星河水一滴復一滴滴出雙瓊蕊我

折一枝歸深宵開夢裏一枝留待誰流光去如駛

夢遊天姥吟擬李白

魂飄飄兮游太行太行山色含青蒼攀援直上捫參商
下視宇宙何茫茫既飲我酒復歌我章巉巉怪石鬱鬱
修篁惡風忽來腥其可當毒蟲猛獸殺人尋常安得倚
長劍入穴清豺狼然後臥明月一覺穩滄桑

五言古詩

耕織詞

納稼爲君梁纁絲爲君裳可以禦君冷可以充君腸不

聞機上軸終宵聲斷續不見田間人偃僂拾遺穀

聞雁

迢迢千里雁日夕相徘徊一朝失其羣終夜鳴哀哀羽
族尚憺類人生胡忌猜最難是兄弟它生能再來

雜詩

鴻雁東南飛噉噉相徘徊高樓妾獨守浮雲天四垂
藟磴西入秦瓜期竟未歸芳洲采蘭葉密線紉裳衣明月
流素豔落木飄涼颼寤寐忽攜手攜手各依依

游魚戲蓮葉薰風襲蘭芳佳人渺天末關山道阻長鯉

魚絕層波鸞鏡無輝光高堂然晝燭再拜心煩傷

女蘿拊木生匪木不自立其計亦良然所苦不自擇拊
松可千年拊棘能幾日樵蘇惡棘刺焚燒無玉石嗟哉
巖穴士出處愼緩急

矯矯雞羣鶴或疑翮不奮一奮卽冲霄上與鸞鳳並胡
爲守區區終爲稻粱困鶴豈不知時微風那可振

朝聞桃源好算問桃源津相逢打魚人語我桃源春卽
向桃源來茫茫多白雲竹露滴青脆松風發幽深所以
郭景純愛作游仙吟

大明湖

新水滿陂澤野草滋春榮
森森蕩微波中有鳬鷺聲
南山雲氣佳高歌瀉瓊英
漁樵會遙響呶啞撐月明

酌哭泉

飛霞灑層波夕陽印深碧
撫松發遐想谷風何習習
倏爾一聲鐘萬片繁英集

哭張鏐

嗚乎張老薑諱鏐字子貞
余生感知已作此哀輓章
先生性恬澹與世無較量
眾水滙滄海萬木拱搏桑
余曾

敝其廬先生之山陽卽放山陽船復聞歸故鄉故鄉在
黃澥舊有先人塋三年一省墓不廢人子情會合苟非
時一面緣猶慳前年三月間杯酒始共傾相逢若舊識
忘年復忘形贈我求當集索我春草堂妥貼互歎賞瑕
疵相與爭掩卷論詩派作者近如林時世尚綺靡吾輩
當清真觀我扇頭詩始識范巨卿謂雨問名三太息此
豈久沈淪自詡五言詩堅固等長城此人係秦系偏師
氣縱橫從斯說項心到處逢人揚張范旣定交招余駕
野航歡言酌村酒攜手登蜀岡瞻彼南徐山高歌發慨

懷今年四月間先生招吟朋少長三十人送春集僧房
當階折紅藥登盤薦朱櫻藏鉤更射覆簪花羅酒漿驪
必探其珠魚必截其肪留髡復然燭呼孫來我旁摩頂
善應對哦詩聲頗清似此瑚連器後必登廟廊近聞
下詔書天子重賢良指日食天粟邑棗闥幽光
先生云不然此願非所望骨相似孟郊不如安賤貧終
身守蓬茅轉與造物親倘邀非分祿翻恐罹其殃折柳
贈歸騎把袂猶殷殷相約采蓮時同奏薰風琴詎料余
歸來百冗晝不停時雨每延佇災疫況流行盛暑猶着

綿月無三日姓親戚半爲鬼虐厲肆披猖擬待草木落
還來就壺觴晨興頗恍忽夜夢胡不祥夢君色沮喪忽
覺舉我裳我裳旣云裂未卜否與臧范子倏然至言君
作修文聽言瞪兩目徘徊復徬皇審知暴疾殂愛孫隨
遭殤仰天大涕泣胡爲喪老成此老善勸懲風詩歌昇
平方干不偶世生前無令名我聞擅一技足可揚清芬
先生兼衆藝衆藝況超羣詩詞尚新舊丹青追關荆篆
籀古鐘鼎鐵筆尤絕倫雖然重傷悼誰非不死人身死
名不磨合與前賢并蓬蒿困仲蔚猖狂隱步兵杜甫拾

橡時避兵走且僵李白被讒謗千里流夜郎先生今較
之致身無乃康生當聖人世五十非夭亡而我感知
已未免摧中腸以後永決絕終爲參與商拉雜成此詞
長跼告靈幢先生如有知含笑斯來饗

得塞外書

彈我枯桐琴歌君遊子吟仗劍出榆關道路歷嶮巖春
草蕭大漠塞寒天地心黃河無回波畫角多哀音斷碑
沒榛莽飲馬城窟深狐狸穴古墓鴟鴞鳴長林嗟彼風
土異卧病荒山岑豈無葭與木何如薑與苓歌竟不復

彈涕下沾衣襟

古詩會今人

晨興坐南軒清風開襟裾客從山中來報我山中書
山中多蕙蘭荆棘礙其途物各有生性而我不忍鋤
寄語山中人此心久澹如

打麥歌

朝看野雉飛暮聞連耒響鄰村打麥人辛苦忘月上月
落星復稀猶呼兒暮啼一日不汝飽終年免汝饑

與諸弟論詩八首

太古不好名或恐知姓氏三代已下人紀傳去聲傳其事

今人非古人今藝非古藝所以孟東野俗詩鳴於世

今人每論詩愈窮而愈工殊不知窮字不與貧窮同窮

乃窮其源經史須博通吾儕豈不知沿襲已成風

古書不多讀楊腹難爲情讀書如不讀爲學方有成譬

如善彈琴絃外發新聲彈琴與讀書貴熟而後生

吾愛杜少陵一語最沈着古人當自愛今人不可薄離

騷三百篇嫩人爲寄託何其義山詩任意訾文弱

杜固不可疎亦莫泥於杜去聲泥則失其真疎則無法度

村莊好女兒自有怡人處何必學西施翻爲脂粉污去聲
長吉豈鬼語太白豈仙才不過篇什中仙鬼僭言懷古
人有深意各立一門楣區區抱非薄強派何爲哉

三月多嬌花春風發桃李金菊與芙蓉豔豔秋光裏花
開故有時此亦自然理須知宋元詩乃風氣所使

大約作文章下筆毋草草貴直而不麤忌纖而不巧隨
手拈得來眼前景便好道家丹不成畢竟火候少

秋晚

夕陽橫遠岑煙光澹羣木孤鐘發清音遠村罷樵收戀

戀景光幽思結數椽屋感彼巖下士終身遠榮辱

讀史偶成

蘇秦重游俠興服都且媵朝發咸陽城暮宿邯鄲市公
侯卿大夫顏色望風靡時命不我與金盡貂裘敝羞容
向戚里垂眉對妻子高歌行路難丈夫亦蹈此

范睢位既貴僞作窮途哭前歌烏畢逋繼歌車脫輻綈
袍慨相贈貧賤交猶篤嗟哉古人心矢直弓尚曲飄飄
三春花芳蘭自空谷

子房柔且謀不應匹夫勇何事博浪錐大索身何窘橐

馳入城市人嗤馬背腫畢竟帝王師卻異世懣懣
吾家太傅公性情自疎放受此榮與祿慰彼蒼生望中
年感絲竹南北天所向圍棋報捷時折屐後人謗嵇康
阮籍流清言何所尚

由無爲州之桐城道中作

甫出城南門見山不見水三里一息肩十里一停軌仲
冬十一月水涸澗見底輿夫脚不韞屨砂沒脛趾橋梁
木倒縣亂石橫齒齒我時下輿行貪看山色嫩悞觸石
峯稜一痛入骨髓

一日復一日始達廬江境夕陽猶在山輿從勸不進云
此村店壁官示有禁令當年孔爵飛此日豺狼競白晝
能噉人我等況疲困吾從平從者言篝鐙坐孤另晚飯
團麤砂支牀倚石櫬所欣信天翁遯世久無悶

看山如看畫幅幅領其要荆關董巨流筆墨各盡妙青
黃赤白色濃澹奇險貌或者宜遠觀或者宜登眺生松
竟無泥出雲似有竅根或成村莊頂或建祠廟叮嚀戒
僮僕慎毋瞋輿皂當此日夕佳棄輿探奇與明日龍眠
遊此境不可造

由桐城之安慶道中作

蓮葉來田田雨雪猶未歸驅車復南陟陽鳥光熹微荒
山六七里土赤居民稀山畬多火耕向夕煙霏霏

歲暮猶長征欲速破昏曉霜凝鬚成冰塵污髮如槁豈
不懷鄉間江河已遠道蕭蕭楓樹林斜陽倦飛鳥

客松江普照寺

寓居普照寺云是機雲宅卽今爲僧房荒碑臥階側緬
彼二賢心何事洛陽陌橫雲山色佳谷水嫩陂澤文賦
有令名兵機那可測白鶴雲中唳黃犬土中殖千載遠

遊人中懷自悽惻

同欽吉堂善遊雲峯寺

山寺貴幽僻文章忌瑣屑中殿無正樑盤旋若攢骨畫
壁雙龍翔云是趙松雪孟憫松雪兄捨身去爪髮寂寞
頽垣碑凜列寒窗月終古無垢心對此生禪悅

懷陳穆堂

去年客皖江頻頻夢見之今年客雲間那復無相思相
思一何深音書一何稀之子貴適意哺醢餒其醢去日
不再來老大傷別離願爲雲與龍終古無分期

之子丹山鳥毛羽成文章所以女與牛日夕遙相望人
生苦朝露年壽不能長謂姚卿門嗟子亦垂暮二毛被雪霜
撫膺發浩歎涕下沾衣裳

春風二三月賤子復南征匪恣遐荒遊其奈饑寒并中
道不我棄慷慨衷懷傾矯矯山上松飄飄水上萍鯉魚
隨波來尺素無限情上有蘇李詩下有金石盟

漢鎮購得婕妤明妃二圖各繫古詩一首

婕妤解人耳未免自矜愛不然君王心安能置度外人
生重歡笑容光正少女況復能文章素稱六宮最恩愛

忽陌路富貴竟顛沛團扇生秋風夜夜長門淚費却買
賦金君王復歡會千秋自恃人棄置曷足怪

明妃何許人千秋名不滅當時無畫師不過嬪妃列嬪
妃三千人豈盡容顏劣琵琶慰寂寥供帳隨時設假使
閑深宮隻影坐明月光陰去如水霜雪生華髮豈如出
關後清詞飛玉屑因憐戰死卒名姓無人說

舟次平樂俞茗琴太守

恒澤

以朱銚白粲豚炭

果蠟等物見惠並繫五言古詩一首依韻奉酬
性癖愛佳句知公非一載留連好山水不獨至今乃今

日始識公鬢髮嗟已改陶謝碑版多李杜光燄在行行
紀遊踪珠江與桂江解有遺珠我志在搜采慷慨杯
酒間心胸起磊塊清風今夕佳明月猶矐矐照我離江
榕吹我蕭江芭清言達層霄或可銘鐘鼎所以起舞心
聞雞未敢怠裹糧爲糗糒多雉爲脯醢平生幾兩屐屢
躓而不悔多公能愛士檢點到烹宰散髮冰霜露披囊
得珠玕壯我湖海志若箭透重鎧錫以鐙燭光卷帙生
文采況公葛相才勝不已十倍琴樽洽古歡嘉徵應有
待

與滕解峯話舊

君是故鄉人爲語故鄉事故鄉十年來言之合隕涕大
吏變新法萬井無生計水患旣頻仍天災亦疊至十月
桃李華三伏冰雪厲斗米錢十千物價各騰貴可憐厦
門間瓦礫堆平地可憐錦千箱襤褸身難被昨日五陵
豪餓死填溝瀆昨日金屋嬌倚門學嬉戲猶有不忍言
約略言一二我才居下中故鄉那可恃五十未服官況
多妻子累行行將何之索米長安市今夕復何夕執手
黃河涘之子詹尹流抱才隱卜肆請君揲著龜爲決休

與晦胡爲笑不言祇問梅開未

七言古詩

送友人從軍

晉君烹龍炮鳳之酒漿奉君組絲織素之衣裳君行萬
里復萬里相思此後徒相望我聞交河以北險且艱雪
花六月飛陰山黃砂黑砂刺人骨髑髏號風白晝寒崎
嶇怪誕苦如此不爲君悲爲君喜男兒得向沙場死亦
有微勛報天子

題阮梅叔明經亭

珠湖漁隱圖

蒼煙浩浩湖波綠一葉扁舟一竿竹釣鼈公子神仙人
戲向蘆花深處宿珠湖之珠夜夜浮華老以後無人收
滿天明月數聲簫我本煙波舊相識知君返櫂卽蓬萊
淩雲暫斂垂天翼

苗孝孫

朔風生筍井躍鯉河冰寒冱三尺水一點真誠孝格天
芳名那不留青史吾鄉苗姓寒且微賁皇一線湖之濱
我家亦住棠湖側生小相逢卽相識苗郎名秀善丹青
彩筆團花飛紺碧乙丑秋母染疾醫有方藥無力焚香

告天向天泣剖股奉親親疾除此孝世或論其愚已卯
秋母復病醫有方藥不應苗郎有子年十三幼隨大母
眠與餐體父之心繼父志金刀入穴衣裳殷嗚呼孝雖
愚情可憫十三童子發深省君不見眼前多少富貴者
纔解迴廊騎竹馬

繆研農司馬雋隸書歌

雙鉤吳飛白隸書非八分所以工部贈李潮八分小篆
歌云云隸書亦自史籀始漢興諸人變斯體唐宋因之
別瘦肥窠臼何曾淨渣滓 聖代紛紛尚豪放不襲前

春草堂集卷之二

賢舊依傍谷口鄭

箋

與汀洲伊

秉綬

乾嘉以來稱哲匠

研農司馬揮霜豪論書竟在諸人上筆貴折鋒墨飛舞
參新法古開門戶怒貌渴飲雲藏虹龍跳天門關臥虎
堊也閉戶學書三十載金丹凡骨空嗟吁每觀司馬大
幅及小品煙塗雲抹英華咀始信鳩江之水清且腴鍾
靈毓秀多名儒司馬起家宦家子吏隱閒曹破千紙賈
讓三上治河書劉宴初爲漕運使前年洪湖漲下游天
吳踏浪鯨宮愁災黎號泣夜復夜往往樹杪撐孤舟此
時司馬眠不得泥淤不顧征袍溼願得錢王怒朝暮向

潮射入聲
願得周處劍直入蛟龍窟
蛟龍避德潛深淵
張鐙幕府開賓筵
紀功著績萬筆墨
衙齋四壁縣緘縣
司馬隸法較前異
如椽每帶迴波勢
狂瀾收作蠶食聲
筆鋒永向中流峙
我有驚溪舊所藏
乞寫宣防數行字
它年擬作去思碑
澤國鼃鼃見應避

哭仇柏巖茂才

嗚乎噫嘻柏巖之死
死死實堪悲
朝爲生日算
卽死期
我初聞之心猶疑
於是登其牀
撫其尸
觀其顏色
宛如生
時與之語而不啻問其事
而不知嗚乎噫嘻黃口孤兒

白髮寡妻搜盡篋無餘貲何以爲棺何以爲衣惶惶四
顧舉室淒淒悲風吹雁來衆鷗相因依或刻南山之瘦
木或翦東澥之殘絲草草具殮薄成其儀人心匪石對
此能不涕泗而交垂嗚乎噫嘻追思伯巖喜作賦而裁
詩我曾數四止其所爲夫詩小技不合時宜縱仙如李
白猶有采石之危聖如杜甫難免飯顆之譏而況我輩
德薄才微間有一句兩句佳徒爲輕薄兒所嗤乃不我
信終日唔咿血盡心痛一至于斯嗚乎噫嘻伯巖之死
死實堪悲

餞春歌

三月欲盡楊花飛
暝風醉煞紅薔薇
我來餞春湖之滄
臨風高擎白玉杯
勸春盡飲杯中之
茶蘼更有一言向
春道九十繁華爲
誰好前年餞春春
不留匆匆落日下
簾鉤今年餞春春
又老落紅滿徑迷
芳草今年風景似
前年何我容顏獨
枯槁杜宇一聲愁
思多愁多翻作餞
春歌

紀夢

深宵寄宿支公廬
夜夢神官授我書
夢中所見悉能記

生花吐鳳言非誣初行隨意遊郊墟惡犬攢嗥猛如驅
垂手拾塊苦無力戔戔東臯來丈夫丈夫儀容嫵且都
指示芳陁行無虞芳陁春花鬪顏色茶蘼澥棠交枝舒
重重樓閣階縈紆花露溼我紅瓊瑜其間陳設何所有
研屏筆格皆珊瑚牙籤疊架字不辨袖手予空嗟吁
旁有一函六卷餘題箋標寫司空圖讀畢秋水沁心骨
分藏懷袖開襟裾無何金碧成模糊殘磬一聲山月孤
啼來清曉記年月甲戌上元交春初

是夜立春

代相馬篇

長城城西古馬邑萬方駭叱如雲集中有羸驂八尺長
相者見馬爲馬泣自言曾從天廐來天廐之馬何雄哉
金勒搜嵌青翡翠銀鞍雕飾紅玫瑰玫瑰翡翠爲妝束
萬里春生騏驥足組絲爲繫插琅玕荆木爲盤堆苜蓿
苜蓿能令瘦馬肥圉人四牡歌駢駢翰林待詔來金殿
虢國承恩入瑣闥瑋琯杯盛蹀躞乳開元天寶教歌舞
不同舊例歸閒槽譜得新聲收樂府樂府齊歌君馬黃
君馬恐非臣馬良昨日相馬爲君喜今日相馬爲君傷
如何躡景追風騎鎮日邊城馳牧隸吞聲不作畏寒嘶

埋頭喪盡凌雲氣可憐
峻竹雙耳披可憐
繁霜割四蹄
金鳳闕前花簇簇
玉門關外草萋萋
玉門關接金鳳闕
一樣驪駒判優劣
從繩則直曲則鉤
此情合向蒙莊說

小題襟館聽張伯治

騏

洞簫武實父

譽

鳴琴

鴛鴦比翼鳳九苞
竹聲清脆桐尾焦
白雲不動春風驕
仙人鶴背相招邀
初彈楚妃後六么
嗚嗚律呂和雲璈
始知廣陵散未絕
二十四橋舊團月
松風拂水雁眠沙
鐵騎突出銀瓶裂
我昔泛海復入秦
高樓百尺扃舟輕
相逢赤壁崖前客
入夢語我君山青
波濤夜永戛冰雪

七條絃索聲泠泠古人古人爾勿矜蕭史成連今復生

爲友人題唐寅寫踏雪尋梅圖卷子

建康客廣州書攜圖索詩來吾廬展圖訝丹青却與常
圖殊始知作圖人乃是唐六如唐六如非庸手能使鬚
睂判童叟童折梅花壓背香蹇驢踏雪蒼山蒼感我昔
年遊襄陽高車大馬輝容光朱家郭解盡低首相逢遊
俠少年場燕姬弄楚舞潑酒污羅裳鹿門山月照漁梁
斯人斯人徒相望吾愛孟夫子清芬豈文章當時競權
貴此身能獨藏所以榮與辱不上君子堂

神鐙曲 并序

己卯試鐙後一日偕二三知己嶽廟觀鐙歸途
遙見廟之東北隅瑩瑩鐙光千百爲羣轉瞬間
然明日告諸同社或云此神鐙也合識之

太歲在卯月建寅金吾不禁客夜行紅樓錯雜箏琶笙
酒酣踏月來鄉村寒雲挂樹風無聲荒塚累累鼪鼯奔
東皇太乙故址存蝙蝠嘖嘖飛黃昏靈旗不動天如冰
湖波驟湧千百鐙迴環閃爍降復升臨流再拜書諸紳
舉頭尺五皆神明

曙原贈墨成篋書此覆之

黃山家家解製墨日掃元霜十萬斛春波翦碎隔江煙
松煤燒遍千山綠曙原先生好事者年年採墨黃山下
盈箱載得墨歸來古今法帖供揮灑年來我亦詩成癖
日日蠻牋寫胸臆曙原知我貧分我墨三升從此管城
子不作饑驅行石田雖云荒淋漓足可耕與酣作字大
如斗萬言琅琅隨筆走詩成明月來照我杯中酒揚雄
大文猶覆瓿何況吾曹馬如狗曙原曙原爾知否詩字
何須問妍醜管君酒君勿辭感君落拓前致詞君今學

書三十載至今名姓無人知
解內赫赫數十輩幾人顏
柳窺藩籬不如盡棄盈箱墨
潛向東郊抱雲宿

叶

戊寅秋七月遊相墩作並序

相君直參其先德于漕河西北角購二十八墩
之一爲別墅顏之曰近湖草堂環墩置草田數
十頃歲收其租以供不時種花植木開池築亭
故文人名士往往遊其閒題咏甚夥今年秋直
參放楫招飲是日熱甚歸而識之

雷鞭亂擊屏翳死蓮葉舟輕菱葉紫七尺枯篁釣淺深

千桑萬柳垂濃陰濃陰覆背衣不溼主人瓮抱蒼松汁
醉眼看天詔萬山各佈真形鬪顏色三十六湖波不興
二十八宿羅星文箕豹軫蚓精之靈呼龍吐沫凝輕冰
深宵繼燭忘主賓埽花露吸玻璃瓶

虞醫士五十壽徵詩同社分題得摩詰畫

晉人論畫嗤王維雪花鎔雜芭蕉肥我今作詩亦如此
杏花亂逐秋風飛秋風紅遍愚公谷十萬牙籌插澥屋
澥屋雙鶴銜籌來報我杏花千株開招我過湖酌春酒
我方醉不能詼諧草草作詩付鶴去隔湖遙弄千株樹

春光再閱五十年擬買鷺谿畫倭佗縱無筆力追摩詰
肯負人間百歲仙

陳孺人輓歌

並序

孺人余鄉奚竹谿先生母也先生尊人去鄉三
十年矣而孺人茹冰嚙蘗鄉里推之今年秋孺
人長逝徵詩與余余不敢辭聊拾數語以輓孺
人萬一云

怪鳥叫殘山底月孝子滴盡心頭血心頭血盡怪鳥飛
飛向長空婺星滅婺星小謫凡幾年年年鵲駕空雲煙

伯勞東飛失歸路新豐醉墮珊瑚鞭別鵲新聲翻趙瑟
五十柔絲彈不出分得鄰鐙鬼眼青夜靜書聲雜刀尺
井波不起山凝暉九熊紅淚春溼衣少微瑩瑩板輿冷
白雲三匝當窗飛不知它日人民非可能雙鶴同來歸

李長吉詠月

團團一片玻璃紙中有蝦蟇古不死翻身飛上青冥天
萬里清光吸寒水清光當戶妾拋梭褰裳掠鬢窺明河
明河在天何皎皎明月照人人易老

無題

紅樓明月揚清輝
簾幃面面珍珠垂
相思望冷碧雲斷
玉容未許輕相窺
青溪原屬舊居處
自嫁彭郎隔煙樹
爲誰錦字紅鱗飛
爲誰菱葉青銅鑄
十年繡幄閒篴
珠絲網遍珊瑚鉤
桐華雜雨溼金井
夢尋不到青澥頭
長江之水長悠悠
不比長干兒女愁
絕代丰姿掩黃土
姊歸啼血噴松楸

澥棠歌

我疑蕊宮仙子唾紅絨
飛來澥棠枝上嬌
春風又疑廉
郊薳賓調未洽
方響躍出化梗皆爲鐵
一絲兩絲千萬

絲絲絲臥對焉支雪綽約窗前鎖翠煙玲瓏檻外飾金
月神仙不畏夜寒侵沈香亭北睡初醒高張四角縣紅
鐙文章艷麗如繁星主人抱青琴上堂勸君酌當花不
飲花笑人容易階前歎飄泊花落花開本不常綺窗脈
脈愁紅粧

指書歌爲張鴻述作

我聞張旭大醉時以頭濡墨書淋漓手捫足踏隨變化
蟠蛇屈蠖開天機堂元戶妙杳莫測後人無復窺藩籬
八分泥古不足貴古人太瘦今太肥草聖衣鉢傳者誰

臨川布衣張鴻逵篋秘明珠三百顆不翦湘江竹一枝
家法盡埽舊窠臼指頭蘸墨煙雲飛隔紋無跡搨有勁
戈挑點畫勻參差松寒古澗潛虬媚雪戀窮簷冰柱垂
惠我長幅竈竈壁天清雲淨無纖埃坐對久久忽大悟
知君投筆非徒爲丈夫從古貴破格安能拘拘守此三
寸之毛錐

偶成

黃花臥秋雨有淚不敢哭鳳凰被文章飲啄常不足鯉
魚偕霧飛上天亂囓桂花三十年直率不奏少微怒竹

截蟾宮剝寒兔秋墳踢碎玉鉤斜喚醒香魂織就素心
機血杵千尺長繪取峨岷山下路繪就擲龍宮為我報
龍子休將一點紅輕染鯉魚尾天際慶風雲茫茫隔煙
水鶴鳴九臯聲聞天天高聽卑豈無耳

送史牧田

謙

溟溟濛濛花含煙欲雨不雨春可憐餞君杯酒湖之湄
聞君南游情如顛情如顛悲復喜喜見搏風九萬里結
席還悲暫別君別君以後誰論文惆悵此心託明月相
思不定如奔雲君不聞龍門太史有至語不遊萬里空

云云又不見先儒出蹟分明在成名多在家山外人生
天地胡不游時乎時乎不可再動我愁懷君所知十年
徒讀書與詩高堂有母厨無粟此身欲出長遲遲勸君
酌爲君歌讀書之處匡山阿綠波春水傷如何

許李青乃椿
索題叢桂招隱圖

我生四十不得志轉悔詩書縛豪氣狂餘白眼望青天
累足江鄉戀文字三復考槃歌澗阿欲隱未隱傷如何
近得一編無盡意君集名無盡意齋朝披夕誦恒嗟磨丁卯詩
人才莫敵峽倒詞源瀉寒碧蒼松修竹自嫵媚不向春

風俗顏色村醪獨撫東窗裏愁見江雲日暮起淞水淮
山路阻修相思盼斷雙紅鯉今春阮孚招同遊謂梅叔
流鼓柁沙棠舟始得相逢語永夕踟躕執手情綢繆萍
漂蓬轉胡爲乎袖中示我招隱圖茅亭石磴秋香鋪藏
身匿跡無代無荷衣簪笠青珊瑚或山或林或朝市渺
渺天地皆蘧廬讀罷斯圖向君揖我欲圖中分一席彼
此狂歌煙靄間埽苔題遍秋山石

憶月

六月晦日應無月顧免藏形蟾影滅挑鐙兀坐不成眠

案頭欲冷金鑪煙依稀記得月初時嫩人曾學畫蛾眉
山空水濶情無限玉露迢迢清風吹皓魄漸圓光漸霽
玉質盈盈映千里含芳之樹何青青銀漢無聲淨微渾
嗟乎嗟乎雙淚垂勸君一飲須百杯請看月缺月還滿
人似長江水不回

心朗和上出其師慶菴上人行脚圖屬題

茅菴煙鎖城西路舊是高僧栖隱處左右周回盡古墓
夜夜青燐飛上樹舍利光含春復秋打包行脚任悠悠
慈雲欲建須彌塢蘆華先浮江上舟此時刺罷心頭血

此時踏遍峨岷雪
心頭血寫法華經
峨岷雪映揚州月
揚州明月揚秋輝
萬里魂從江上歸
一指蓮花隨地起
衣鉢真傳得齊已
謂心朗墨卿太守
謂伊公秉綬藥春來相逢
一笑大歡喜
爲師鳩工拓舊址
曲徑長廊相表裏
蒼松老作雙龍鱗
新竹亂排千鳳尾
往來公卿無時無
惟有禪心淨似水
吁嗟乎開創固難守
不易咎日茅葺今日
寺幽冥鐘聲六時發
古墓青燐盡超拔

成簡能

塾

屬題桃花流水鱖魚肥小照

豈不聞成連琴千秋澥
上遺真音復不聞成原常春風

一櫂湖波光君家世志在湖濱年年歲歲春長在我未
識君時君名我已知桃花韻君面柳汁染君衣鵬搏暫
斂垂天翼斥鷃何妨笑啞啞古來深於情者多不獨相
如詞賦客楚昭王晉重耳感流光悲逝水三年不鳴鳴
則驚霸業不礙傾城人而況吾曹事筆研報國文章
托鉛槧它日心從雲外飛斯時志向圖中見圖中春水
映朝日桃花紅遍江南色江南色何方多笠澤春回太
液波前代幽人張志和曾持長竹披青蕙鰕魚肥嫩不
歸去笑脫朝簪此櫓住知君作圖良有由不同前哲輕

公侯一夕乘風破萬里扁舟直向蓬萊遊

示紫簣僕

紫簣紫簣爾旣虚心勁節空山中嗚嗚咽咽嗚春風曷
若盡去塵土之根爲我之筇伴我朝遊廣漠之野算愁
蒼梧之宮使三百六十萬日之後知吾道之不窮爾豈
不聞爾山之中有草如蘭現已登君子之堂人擬之爲
王者之香復不聞殿春小草厥名芍藥趨顏赴色掀帷
入幕使人見之易爲謔爾何爲者終日盈盈於野水之
側荒岡之間使余落日爲爾愁空山鳳皇卑不栖猿猱

相躋攀白雲無聲萬籟死然後千巖萬壑波潏潏紫簣
紫簣勿謂天之生爾我之愔爾卽爲之奇渭川千畝猶
猗猗黃岡如椽孰不知之暝風吹楊花化作青萍子芝
生糞壤蓮污水斯言斯言吾語汝芍藥芝蘭當判取

王西成出行看子屬題

輕舟不繫揚州月寒春偶泛崇川楫蓮葉青淨水府錢
楊花白糝天街雪五山秀色鍾紫琅中有瑯琊大道王
相逢一笑若舊識華堂鐙燭羅酒漿翫屐湖山觀鶴舞
主人眞率空今古似玉兒郎五桂枝傳家祖德三槐樹

得祿圖成筆有神
鬚眉我識畫中身
昇平自有文華國
肯使湖山讓別人

楊述臣茂才

廷譔

屬題倡酬詩冊卽用原韻

名山我已探八九
不若當前一杯酒
興酣搖筆驚風雷
星宿羅胸墨濡首
有時倚劍復長嘯
一任寒芒下高阜
功名蹭蹬骨相寒
那用金錢問休咎
半生回首恩澤多
遙對師門呼負負
去年避災東湖濱
往往孤舟泣嫠婦
江東斗米錢十千
編氓祇合吞聲受
初聞古澗拾橡栗
漸見荒村斷榆柳
安得廣廈千萬間
羞說男兒好身手

卽今西陲方用兵恨不持戈靖羣醜年年奔走長安道
折腰枉自謀升斗霜欺雪壓鬢蒼髯船唇馬背身偃僂
也曾三上宰相書博得人呼兔園叟豈少明珠作嫁貲
終慙齊大難爲偶古今黑白多混淆卑視崇岡尊培塿
解悟莊生秋水篇不願雄飛願雌守扁舟忽作崇川遊
飄花飛舞三春後千載相期筆怒發盈川東川皆畏友

兼謂少山

倡酬許讀韓孟詩聲自和平氣溫厚

題張傳山紀夢圖

圖中乘馬多牡丹

螻蟻穴古樹蝴蝶飄春花丈夫不得志金玉成泥沙張

侯作更江淮來峰巒筆底煙雲開丹青金碧大小李黃

荃父子皆奇才

詞桂岩先生

我時執杯酒讌君湖之隈春湖

水碧秋月白倚欄同按涼州筵人生歡笑無久長我走
燕南君越北豫東小醜時跳梁羽書旁午關河隔豈不
懷君頻夢君夢君躍馬同驅賊我夢固如此君夢竟如
彼我夢動躁君應知君夢富貴復奚疑相逢且進千金
卮白雲蒼狗誰知之

招魂曲

塞上草枯天雨霜千馬萬馬嘶斜陽官軍昨過洮河北

無算沙場裹馬革勾耗傳來復渡瀘招魂少婦升屋呼
君不聞晉陽無數冬青樹半是前朝葬魂處

題盧春航

培廣

江洲春泛圖

江波浩浩江煙碧隔江遙帶春山色
潒燕門前柳葉青
河豚市上蘆芽白憶昔乘潮弄江水
桃花亂疊紅雲起
天末浮嵐望眼賒餘霞散作千層綺
此景回思二十年
今日重逢圖畫裏君家家世況無比
文章早闢初唐體
大歷聲名重十子月蝕詩成泣神鬼
扁舟一葉浮煙波
市隱却異張志和不爲蓴鱸爲鰕菜
寄身煙雨風波外

何日從君鼓枻遊一杯吸盡雲霞態

畫松歌爲張夢餘作

噫吁戲李氏兩將軍薛氏一少保皆擬富平侯下筆都能好金碧樓臺供內府十二珠簾弄春曉暇則關弓走白狼燕頤猿臂軍中裝君今作畫追薛李天下雲山羅十指我來僧房暫栖止見君作畫僧房裏五株松樹數拳石暗裏精靈泣神鬼謾謾風聲四壁聞畫馬無論曹將軍況君壯歲好身手避仇直踏燕山雲東走吳越北走澣老去知交幾人在當筵且盡金屈卮我將爲君前

致詞君不聞顧愷之滄洲滿壁徒爾爲又不聞王郎拔
劍斫地歌聲哀一生磊落空奇才愧我才非杜甫官非
拾遺萬間廣厦胡爲乎來哉

篆書歌爲程蘅衫星作

程邈篆法肇初始君其繼之爲賢裔源流直上五千載
仙心不受罡風吹下視李斯已非古六朝餘子何足數
賈島多情佛乃成媧皇有志天能補憶昔相思不相見
濛濛八表空冰霰此日同傾北澥樽鬚髮共喜白未半
有酒須澆滿目愁落花片片垂楊柳君抱奇才自坦率

當筵無論公與侯君不聞鄧完白

式如

一生老作諸侯

客腰垂白髮千丈長脫手黃金便蕭瑟又不見城東叟

胡長庚

黃山老屋歌烏有興酣作字大如斗牀頭往往無

樽酒君今到處有逢迎下筆一字千黃金公卿爭問不
絕口較之二子誰浮沈皖江山水甲天下況君能此開
庭榭前江後山山作屏八百株桑供春稼何日尋君十
日留扁舟散髮染清秋珊瑚七尺同遨遊一竿點破江
心漚

登太白樓

太白樓乃在采石磯邊西江頭青山橫山各綿亘昔時
戰壘今蘆洲孫吳割據此邊境晉家東渡稱咽喉吾祖
昔守宣城土朝朝算算青山游五字澄江淨如練能使
太白光芒收太白西行偶過此扁舟擊楫浮中流不願
官封萬戶侯但願驚人好句垂千秋騎鯨捉月寓言耳
錦袍烏帽隨沙鷗餘霞散後日將夕我正登樓三太息
吾祖不生太白死終古茫茫此江水江水東流年復年
嫩人含笑桃花鮮浮雲不近江樓前醉叱王喬馭笑拍
洪崖肩玉簫金管昆吾絃高歌把酒呼謫仙何不同來

一醉江之邊

題劉笠生茂才

敦元

紀夢圖

人生天地無非夢夢却與人有輕重腹既能生了固松
口能不吐揚雄鳳知君此夢非尋常天教大筆成文章

楹帖高懸十四字松邊竹外開書堂

君夢中見楹帖云
草茸竹外新開墜

松老庭前
舊著書

讀書萬卷興未足要使雲山歸掌握昂然直

上趙化臺年年芳草天涯綠瘴雨蠻煙歸去來依人又

唱梁園曲

笠生從東
粵之中州

縱使蛾眉不妬人從來才大難爲

福我亦年來淪落身烏尾畢連車脫輻杯酒時從趙土

澆文章每向秋風哭
今秋逢君秦淮頭
攜樽同上秦淮樓
秦淮竹外松邊路
可是君家夢遊處
夢遊之處無纖埃
瓊樓玉宇金銀臺
天風誅宕天門開
蒼虬赤鳳雲中來
與君執手同徘徊
會須一飲三百杯
覆隍蕉鹿何爲哉
哉吁嗟乎覆隍蕉鹿何爲哉

題吳晉壘上舍梅花書屋圖

寒風吹香遍山谷
十二萬春春滿屋
中有幽人此寄居

龍眠山色環其廬
左圖右史蚪斗書

晉壘工篆隸

李斯程邈

分精麤下視鍾王已非古
手種梅花作花主
年未三十

筆如堵造門求書不可數其時我作羅浮遊匡廬九疑
隨扁舟思公子多情綢繆嫩人不來心煩憂那得如君
此邱壑波能濯硯香能嚼更寫斯圖當臥遊高枝不許
凡禽啄我欲與君同此樂回身翻笑蠶絲縛題詩聊紀
春風約平山雪後梅舒萼寄君一隻揚州鶴

晉公復出楊龍友書畫冊屬題

畫有六法書八法繩以律不容豪髮心正筆正精神通
皴雜披麻戈折鐵古人工畫不工書鄭虔始得稱三絕
後之繼者董與楊能書能畫能文章生值有明丁未造

不使文瀾頽紀綱宗伯書畫有時見嫵媚秀骨天開張
中丞書畫世所寶片紙隻字人珍藏延陵公子龍眠客
家多歷代名人冊中有中丞眞墨跡許我臥讀日復日
山川萬里收咫尺柳骨顏筋同一轍嗚乎丈夫作事無
巨細不以雕蟲爲小技至今紙上英風生遙想當年用
兵際金山用兵師靳王棘門壩上皆兒戲越水吳山凡
幾年龍眠歸葬舊精魂公貴州人葬於桐城君不聞吾鄉閭閻衣
冠葬猶有梅花繞墓門

江行紀事

吁嗟乎作客原無一定理誰道扁舟快如駛八日江行
八十里愁煞濡須江上水是時天寒多北風雪光如刀
入骨髓浪偏乘勢來船艙冰稜亂灑聲瑤瑤舟人護戢
復守舵那問客腹鳴饑腸眼花落水手足僵不思作客
思還鄉荒村夜泊眠不得四更片片霜花白風向南吹
忽北吹千里江陵還一日無數峯巒雪後看不願還鄉
願作客吁嗟乎人生苦樂休疑猜人生難得苦中來層
層佳境心顏開順風收舵傾樽罍君不見來船中有貴
公子好風順境不知止夜來竟在水中死

澥上遊仙詩

徒聞澥上三神山在虛無縹緲間此山可望不可卽
中有仙人蒼玉顏仙之人兮太光怪一見容顏不可再
嗚乎回思我却非仙才燕昭尚有黃金臺

山旣不可登澥亦不須渡中流十丈寒濤飛成連不見
吾何依萬竿修竹森森碧云是仙人舊時蹟嗚乎結習
未除丹未成那得清名挂仙籍

方士一言曷足取五百童男并童女自今澥上求仙人
猶自翩翩弄霞舉青鳥不來芝不生黃沙漠漠揚飛塵

嗚乎羿妻奔走夸父渴上帝深宮閑閭闔

王母西來有深意赤文綠章先我示滄桑有劫終循還
未必神仙皆識字西走玉兔東走烏白慚我本耕田夫
嗚乎流光一擲不可返茫茫天道那能挽漢帝秦皇徒
坎坎

留別盛子履學博

大士

我從客歲遊雲間扁舟來往橫雲山雪花如掌朔風冷
淒其凋我蒼容顏澥中明月那可捉袖裏詩篇供寂寞

雲間詩人欽吉堂

善

示我一編蘊懔閣

君集

蘊懔閣真

仙才三復而後心顏開瓊漿玉液珍珠胎今年我向長
淮來相逢同上韓侯臺珊瑚筆架鸚鵡杯玉兔不走金
烏催風伯似多情雨師亦關數留我長淮三日住日向
先生讀書處落花滿徑鶯啼樹來朝又放扁舟去

四月十五日渡黃河作

昨日我向桃源去黃河洪澤夾沙路今日我從衆興回
黃河運河環堤堆運河有風波不與黃河無風聲奔騰
黃河運河紐十字清黃雨壩前賢置其時四月多南風
漕船兩岸排鱗次兩岸旌旗耀水濱高唱皇華 天使

至嗚乎我聞黃河之水天上來當堯之時猶成災漢武
開邊拓地數萬里宣房瓠子歌聲起況復方今 聖人
在上黃河清諸公曷不歌昇平

抵寶慶陪譚鐵簫太守

光祐

卽夕以英雄兒女

圖屬題

無深情莫論兒女無俠骨莫言英雄胡牀竟夕發清嘯
大樹獨立羞戰功武岡山畔讀圖畫寒光直透薰風中
壯士長歌鐵衣冷嫩人含淚冰壺紅噫吁嚱殺賊功名
視草草黃梁未熟天還早僭取緱山簫一枝鶴背聲蜚

山月小

李泂飄觀察

宗傳

屬題釣鰲圖卷子

沫珠噴灑鰭揚鬣萬丈長虹蝕秋月
龍門啟後謫仙來
雲璈水瑟滄溟開釣鰲我亦生平志
鎮日臨流鉤不利
悟破先生圖畫情一竿坐待神山至

秋日見牡丹一枝

其地荒僻無人居其花不偕春風噓山腰牛羊日踐踏
入夏枝葉稍稍舒獨挺一幹豔蓓蕾開時還勝紅芙渠
雕玉不讓舞女珮天香夜襲仙人裾聞好事者議移植

金盃玉盞供 天際近天雨露應更好故園芍藥今何如

揚州鶴

揚州鶴毛羽離離頂不紅何所依隋帝宮宮中使者天上來日以二升穀養爾靈禽胎使者參鶴春復春鶴梁不足鶴能馴遂使腰纏十萬者雲中之鶴不敢下君不聞葉公龍與寒翁馬

望羅浮吟一篇示湘姬

溼雲垂天雨如注咫尺羅浮不能去一筇一屐皆因緣

皓首煙江詎非數噫吁今東登泰岱南衡岳手摘星辰
倚高閣有時臥讀秦漢碑一任封蛇藏大壑何事羅浮
令夕梅千樹嫩人不見空延竚安得身騎白鳳凰直入
朱明最深處把酒高呼葛稚川同邀明月曄啓船丹砂
算向世人道世人但解名利好昨日之日不再來如花
顏色成枯蔕臙取杯中酒酌爾五色蜨寄語華首臺前
月算向江南照離別江南思婦腸百結應灑樓頭眼中
血來時楊柳未成春此日關河幾番雪噫吁戲羅浮畢
竟誰爲主師雄一夢傳千古我願今宵好夢成不夢嫩

人夢鄉土

鄰船有以篷背雨聲詞見視使雛僕歌之其聲
清越遂教其體成四首

篷背雨聲聲不止何處饑聲啼不已鱗鱗萬瓦無爨烟
隔江猶自波濤起吁嗟乎萬金之子千金裝盧家小婦
稱孤孀昨日人來北邙道風蕭蕭兮墓頭草

篷背雨聲斷復續千聲萬聲鬼夜哭文字因緣事有無
上天幾見天雨粟吁嗟乎來日之日日苦短此身多病
無素綬滿髻關河白髮生夢回天地車輪轉

篷背雨聲聲漸稀
雉朝飛兮妃呼豨
相如有賦不敢賣
溫家女兒空憐愛
鳩鳥聲喧萬壑哀
玉如意擊珊瑚碎
吁嗟乎裴航算辨
藍橋路北斗橫天
天欲曙

篷背雨聲聲已絕
冰心釀出藍闌雪
誰信朝霞散赤城
半是離人眼中血
吁嗟乎老拳毒手
事非常何物書生
古道旁請君爲我
歌藥轉輓轡綆汲
銀瓶軟

苦雨

去年二月二日雪
手足凍皴皮肉裂
至十八日半月餘
天昏地慘人愁絕
今年二月多雨風
樹樹桃花無笑容

星河汨沒顧兔死宵冥晝晦如洪濛有時霑霈屋宇壞
有時拔木風力大拔木壞屋猶等閒蠶僵麥爛爲農害
君不記去年雖雪未全荒苛吏索租如虎狼大婦典釵
沽酒漿小婦洗手爲羹湯羹湯供吏吏不飽猶罵農家
何草草

太白樓

在濟寧州

十月已朔風驅車將南歸任城逆旅一停轍蘆花吹雪
沾人衣當鑪女兒年十五留客慣使雙眉語阮籍猖狂
鑪畔眠醉時同上城南顛酒樓遺址空荒煙俯視南池

頗寂寞絕代風流殊堪憐嗚乎前年我從采石磯邊遊
天風吹上磯邊樓碑版輝皇照四壁畫圖一氣凌滄洲
同一謫仙樓同一謫仙人相去一千五百里迥然光景
雲泥分嗚乎須知南風豔麗北蕭瑟何況浮雲與遷客
斷雁孤鴻未有涯數聲杳杳栖寒碧

李玉郎歌

並序

李玉郎者安徽懷寧人也以色藝隨桐城方君
之任山左余耳玉郎名久矣今年秋來依上公
玉郎先在府第蓋方君與伯澥儲公秦晉也時

遣侍之余得瞻其容色雖不及府第諸伶然近
日亦罕見者不無歎賞儲公命賦長句並紀其
顛末云

江南江北櫻桃花含風向曉枝枝斜地近龍眠山色好
勻圓萬顆紅兒家兒家舊住龍眠側青螺遙映雪鬢溼
長成聲價重梨園我管相思未相識龍眠公子繡衣郎
二十專城宰壽張攜將麴部龜年齋來贈琅玕大道王
上公府第今梁園魯國諸生半在門揚雄奇字朝題策
張泌新詞夜倚聲揚雄張泌才無匹塋也叨爲座上客

幾番公讌許追陪不賦長楊賦長筵長筵一聲萬花舞
玉郎笑擲珊瑚樹舞罷渾疑花片飛歌停恍似鶯聲住
絳燭千條徹夜燒珍珠亂灑紫檀槽停歌罷舞邀相見
果然玉立丰姿豔垂手參差玉珮鳴步搖鎔雜金釵顫
金釵玉珮好腰肢楊柳風迴太液池屈伸玉指擎杯際
潑灑星眸欲醉時此時萬楚心將死此時杜牧狂難已
能令相如癘疾消一杯除是天河水君不聞辟彊園雲
郎姣好顏如仙有客有客陳其年梅花一夜詩百篇又
不聞小倉山狀元夫人李桂官一生知遇畢宮保跋涉

追隨萬里道卽今若輩豈無人愧我才非畢與陳擬將
宋玉高唐賦寫贈雲英掌上身

金約指歌爲瑞喜兒作瑞喜兒者沂州人隋假
母作琵琶伎也寄居曲阜與江西某有終身之
約假母不許遂吞所贈金約指幾死賴救之連
余悲其志乃作是歌

珠光媚水金披沙瑯琊女兒嬌如花十三十四教歌舞
枇杷一樹當門遮當門月色不常好琴心怕逐風塵老
偶寄仙源作小留遊才待把修蛾埽玉指春藏翠袖纖

金蓮霜印苔痕小
欸欸香車陌上歸
梨花雨後掩雙扉
低睂記把紅牙按
愛唱當筵金縷衣
聲價千金不輕許
夜夜空房淚如雨
楊花歷亂柳花飛
飄茵落溷誰爲主
幾番團扇強徘徊
蠶蛭殷勤訪豔來
相逢乍接鐙前笑
把臂連傾月下杯
鐙前月下兩相洽
情緣挽就同心結
便把黃金約指留
安排打槩迎桃葉
從此紅鐙夜夜燒
芙蓉帳底可憐宵
拚教壓損金條脫
那管釵橫翡翠翹
深宵嚙臂盟非淺
不化鴛鴦恨不消
離聲忽唱西飛燕
紅豆絨封怕郎見
珍重秋來七夕期
重逢算負雙星願

鳩鳥無端慣作媒雲容頓逐朝霞變一紙空函託僞書
阿母佯瞋索繡襦石闕銜碑嬌不語藥店飛龍事有無
誰知此際愁無伴誰知此夜柔懷亂約指難忘昨夜恩
情根擬向今宵斷咽恨吞愁漏轉遲續命全憑五色絲
我時亦在仙源住對影聞聲繫所思

李生玉郎梨園中善舞者也嘗扮花木蘭洗國
夫人諸劇窈窕中有一種英爽之氣世不多見
余曾作歌紀之未幾棄所習習浮屠術聞而慙
之仍系之以詩

維摩斗室飛天花一花飛落江之涯江涯萬戶春無主
不願生男願生女生男慣作女兒妝送入梨園教歌舞
憶昔豐臺贈芍婦公謙追隨上公府回思解內優伶多
玉郎嫵媚誰堪伍皓齒明眸滿月龐軍中裝束更無雙
柳腰不讓秦良玉蓮步還勝雲顰嬾眾中識得王之渙
新聲愛唱黃河傳不索纏頭索贈詩此中滋味腸堪斷
盛筵難再古今同春月秋花幾番換浮雲西北自高樓
清水東南愁復愁舟中翠被香初散天上霓裳月不流
燕雲吳樹思何益過河賸有枯魚泣纔聞人解唱楊枝

忽送春風皈淨域。淨域諸天大歡喜。愛河流斷相思水。
蓮出淤泥本不汚。旃檀座上香生几。一笑來參最上藥。
三生石上證前因。虎谿它日重相見。添個高僧傳裏人。